

**17 IANUARIE
RUGĂCIUNEA
SF.CUVIOS
ANTONIE DE LA DIMSK
1
МОЛИТВА**

О, преподобне и богоносне отче наш Антоние, иноческого жития в пустынной сей обители богоизбранный начальниче и основателю! Молим тя мы, смиреннии и недостойнии, еже сохранить место селения твоего, святую обитель Дымскую, идеже духом любви твоея неотступно пребываеши; помози всем zde подвижающимся уставы преподобных отец непоколебимы сохранить, избави от падений греховных, даруй нам дух сокрушения и смирения, настави на исполнение обетов иноческих и всех заповедей Божиих, и никогда не отступай от нас. Моли Господа, да ниспослет нам тихое и богоугодное житие, да уврачует Своею благодатию наша болезни душевные и телесные, согрееет наша сердца любовью друг ко другу и сохранит нас от стрел вражиих, и всякия прелести бесовския и козней диавольских, да не оскудеет вера в нас грешных и да осенит благословением Своим строителей, благотворителей и благоукрашителей обители сея.

Не забуди, чудотворче святой, присещати град Тихвин и святые обители его Успенскую и Введенскую, сохраняя их и соблюдая твоими молитвами от всякаго зла, да не отступит от места сего Покров и затупление Пресвятыя Владычицы нашея Богородицы, и да не оскудеют никогда истиннии ревнители иноческаго жития в обителях сих, да на месте сем, в мире и радости благочестно славится пресвятое имя Господа нашего и обретают вечное спасение ищущии Его.

Помяни, отче святой, и всех, веру и любовь к тебе имущих, имя твое молитвенно призывающих и на поклонение мощем твоим приходящих, и вся во благих прошения их милостиво исполни; утверди в нас память смертную, да и мы в покаянии и чистым сердцем представше ко Господу, сподобимся внити в Царствие Божие, идеже вкупе с тобою и всеми святыми прославим дивнаго во святых Своих Бога нашего, Отца, и Сына, и Святаго Духа во веки веков. Аминь.